



Stranka za Bosnu i Hercegovinu Općinska organizacija Novi Grad Sarajevo
Trg solidarnosti br.15, 71000 Sarajevo, Tel: (+387 33) 498-436, Fax: (+387 33) 498-436

**Zastupnik u Skupštini Kantona Sarajevo,
Jasmin Šaljić**

**Vlada Kantona Sarajevo
Ministarstvo saobraćaja Kantona Sarajevo**

**Predmet: Inicijativa za produženje autobuske linije Željeznička stanica -
Dobroševići do naselja Bojnik**

Na osnovu obraćanja građana naselja Bojnik, Općina Novi Grad Sarajevo, podnosim zastupničku inicijativu prema Ministarstvu saobraćaja Kantona Sarajevo i nadležnoj stručnoj grupi Ministarstva, s ciljem unapređenja javnog gradskog prijevoza i bolje saobraćajne povezanosti ovog naselja sa drugim dijelovima Kantona Sarajevo.

Stanovnici Bojnika trenutno nemaju adekvatnu direktnu autobusknu povezanost s Rajlovcem i drugim dijelovima grada. Rajlovac je od Bojnika udaljen približno pet kilometara, ali građani za svakodnevno putovanje često moraju koristiti dva prijevozna sredstva, dok je za dolazak do centralnih dijelova Sarajeva potrebno više presjedanja. Ovakav način putovanja građanima svakodnevno oduzima značajno vrijeme i predstavlja dodatno opterećenje, naročito za učenike, studente, starije osobe, penzionere i građane koji svakodnevno putuju na posao.

Imajući u vidu navedene probleme, predlažem da se razmotri mogućnost produženja postojeće autobuske linije Željeznička stanica – Dobroševići do naselja Bojnik. U naselju postoji mogućnost organizacije autobuske okretnice u blizini džamije, što bi, uz prethodnu stručnu i saobraćajnu procjenu, moglo predstavljati odgovarajuće rješenje za produženje trase.

Stoga, kao zastupnik u Skupštini Kantona Sarajevo, upućujem sljedeću:

INICIJATIVU

Da Ministarstvo saobraćaja Kantona Sarajevo i nadležna stručna grupa:

1. hitno razmotre mogućnost produženja autobuske linije Željeznička stanica – Dobroševići do naselja Bojnik;
2. izvrše stručnu i saobraćajnu analizu opravdanosti produženja postojeće linije;
3. izađu na teren i utvrde mogućnost organizacije odgovarajućeg okretišta autobusa u naselju Bojnik;
4. utvrde potrebne tehničke, saobraćajne i organizacione uslove za realizaciju ove inicijative;
5. razmotre mogućnost realizacije produženja linije u što kraćem roku, posebno imajući u vidu početak nove školske godine i svakodnevne potrebe stanovnika ovog naselja.

Smatram da bi se produženjem postojeće autobuske linije, uz relativno jednostavnu izmjenu postojeće trase, značajno unaprijedila saobraćajna povezanost Bojnika sa drugim dijelovima Kantona Sarajevo i olakšalo svakodnevno kretanje više od 7.500 stanovnika ovog naselja.

Poseban značaj ova mjera imala bi za učenike i studente, zaposlene građane, starije osobe i penzionere, kojima bi se omogućilo jednostavnije, brže i sigurnije putovanje bez potrebe za višestrukim presjedanjem.

Očekujem da Ministarstvo saobraćaja Kantona Sarajevo i nadležna stručna grupa ovu inicijativu razmotre s posebnom pažnjom te, nakon provedene stručne procjene i uvida na terenu, poduzmu konkretne korake u cilju rješavanja ovog dugogodišnjeg problema stanovnika Bojnika.

Podnosilac inic

Jasmin Šaljić

Z